

北京日報

第二百零五册

代表人朱 淇

論 說

二月二十日

中國之朋友（記英人反對鴉片貿易事）

續前稿

朱鼎鑒譯

對於禁鴉片問題之責任

售鴉片以貳人此英商之罪而英國之辱也議會開議時我同會中人常居口曉音倡導大眾庶禁止鴉片貿易之事終有達目的之一日抑此非一黨派之事務必消各黨見實力研究此大問題今者印度事務大臣既認可矣此外有不以為然者是不特我同會中人之敵抑亦印度事務大臣之敵也此事關係英國財政甚大聯懇戶部大臣速定辦法此則我同會中人之責任也

禁鴉片問題非一黨之問題

禁止鴉片貿易之問題向無黨界之見存從前投票公舉會員時均兩黨曾集於一處（英國向分維新守舊兩黨）一千八百九十二年佐士披士君在下議院演說禁鴉片問題贊成者雖占多數而當日政府殊不謂然恐後此各持意見目的終不可達要之此事之關係實在全國而不僅在一黨深望於下次選舉議員時無論何黨均須抱一禁止鴉片貿易之主義而後投票其被選為議員者須知我可愛之英國勿仍利此區區鴉片稅項致污國體為我英去辱為中國造福是在諸議員之稱職而已

對於禁鴉片問題之感情

我英國所應研究之問題甚多而禁止貿易其尤要也我同會中人宜於開選舉大會時提議之前有會友某君曾著論云中國為地球上一大市場特其無加重入口貨稅之權故不能拒絕我英人鴉片貿易耳河路勒君之言曰我英國國於歐洲素稱文明而以鴉片與中國貿易實為我國體一大污點又謂今中國受鴉片之毒根深蒂固不可拔除云云夫我英以東方大局與日本政府互相聯絡日本鴉片禁令既行之本國及臺灣而效則我英之對於中國豈不如日本之對於臺灣乎此我英國所當步塵者也如我英國不實行禁止鴉片貿易之政策恐日本將嗤我而不目我為文明之國

也加歷君在日本傳教有年於日本鴉片禁令聞見最真今甫自日本歸具述此中情節甚詳可爲我國禁鴉片政策之導師也抑鴉片之害比酒更甚我英既於本國下酒禁而不爲中國下鴉片貿易禁非一視同仁之道也又凡吸鴉片之人其信教心必薄弱不設法禁止我輩又何以對於教主耶

(仍未完)

要緊新聞

肅親王奏調隨員○肅親王赴蒙古一事日間即擬成行茲探悉其奏調人員錄下 尹祚 丁軫 姚煜(仁川領事) 崇鋁 熙魁 趙錄績 陶仁榮以上七員經已奏調此外另有咨調者十餘員統計隨員約二十餘名云

停止繙譯考試○日昨禮部奉到交片本日奉旨所有一切繙譯童試鄉會試照章停止云云

搜獲槍彈案續聞○日前西車站搜獲軍裝一事已登前報旋因該日人携有北洋護照因將該日人等解交袁宮保辦理先是宮保向日本定購洋槍三千餘後經運到該槍核與原辦不符遂將該槍退還另換該日人遂將槍枝留下滿擬運入京城另行出售昨經宮保委員審訊該日人即將前後情形供出現在宮保已將該項槍枝留存保定不准自行發賣日人三名審悉并無別情經已省釋矣

電請免達留守離任○黑龍江來電云吉林將軍達桂現在丁憂已發電報喪黑龍江程留守以吉省一切新政正賴該將軍一手經理一旦離任諸多不便故亦有電奏到京請飭其暫免離任以資辦理各要事云

撥借新疆庫銀八萬○科布多辦事大臣錫恒因款項支絀特具摺奏請擬在新疆藩庫借銀八萬以應急需已蒙 俞允已經行知戶部電飭該省遵辦矣

電飭借墊賠款○戶部電致江海關道云伊犁練兵借撥新疆賠款四十萬經部議准電飭逕解甘肅所有賠款不敷之數由各該道存項下借墊一年云

拒絕鐵道修設之要求○比國商人覬覦上海至浦口間之鐵道已向外務部再三要求該路之修設權聞外部已極力拒絕矣

擴張漁業○東撫楊蓮帥日前有電致政府擬以紳商之資本設立漁業公司在登萊青等處沿海擴張漁業以期挽回海產之權利現政府已經允准所有一切漁業章程均仿照直隸江蘇兩省辦理聞該公司所用獵魚輪船及各項新

式漁具擬購自日本并擬在煙台設立水產學堂聘日本水產專門之人教授一切云

本京新聞

西使改定會審章程○上海會審公堂章程業經各國公使斟酌刪改交回外部內一條云前由巡捕房派往看門之西捕應即撤去另由工部局派一巡官前往監視並充觀審員

練兵處爲迅即派員領回軍服事致皖撫電○皖撫譚麟本處新造陸軍官兵禮常服帽靴鞋佩刀等式樣計十一分共裝十餘箱連派員於二月十五日前到京領取至領練兵處印 此電聞係通致各省一律飭領

駐京德使赴日本新任○德穆使即日啓程赴日本新任並先往膠州一行惟撤退德兵事必不中變藏約定議有期○中英會議藏約事外部現據張專使電告西四月一號前(即華三月初十前)可定議

電飭盛宣懷赴日考察銀行○外商兩部近議在奉天等處與日本合設銀行已電飭盛宣懷赴日考察銀行辦法並查日遞信省新訂航路章程

電奏川漢鐵路開工○川督錫鄧督張電告商部川漢鐵路經費已由川省官紳籌集八百萬兩現定本月下旬開工並書定全路共分四段商部已代奏

日軍築路折毀民房商店○奉天趙將軍電告外部日軍開工建築新民至奉天鐵路沿路拆毀民房商店居民向日民政廳控訴反被拘押等因昨(初十日)外部已再詰日使

中俄議約磋商大概○中俄歷次議約情形電告外茲彙述大概如下 俄使提議東清鐵道至黑龍江之支路展修利權謂此路即不允由俄自辦亦須中俄合辦雖經唐侍郎駁以中國擬自行開辦而俄使仍力持其說是以每次會議仍竭力要求此事 二俄使因中日合辦鴨綠江岸林業事亦援例擬將黑龍江吉林兩省之林業由中俄合辦唐

侍郎以該兩省地段遼闊泛指兩省太無限制現道員周冕前雖與俄約採辦吉林之木植然俄人所運之木並未繳納稅銀此次即欲定約亦必須先將此項稅銀如數繳足方可 三俄使要求自恰克圖庫倫至張家口地方之鐵路

權唐侍郎駁以此處鐵路業由蒙古王公面請 兩宮自行開辦礙難允准 四俄使要求吉林黑龍江兩省開通

商場所有稅關須聘用俄人租界章程亦須與俄人商訂亦由唐侍郎堅詞駁之 五唐侍郎以庚子年後俄人即私探漠河金礦及呼蘭礦此次訂約須一律退還中國俄使詞窮祇得允為合辦唐侍郎仍不允並謂此處礦務係屬官商合辦倘俄不歸還是大背公理俄使云開平煤礦亦係中國官商合辦之礦何以庚子年後亦可中英合辦然則漠河寺處無不可合辦唐侍郎仍始終堅持初議不稍退步 六唐侍郎即提議將光緒辛丑年黑龍江將軍薩保所派道員周冕與俄私訂之開探黑龍江金礦約十一條全行作廢俄使謂此等條約已由政府允准並非私約且有案可稽萬難作廢云云現因此事彼此爭執最甚 奏請以經義考試畢業生○姚太守舒密日前未 召見簡放時會上封奏略謂現在各學堂學生肄業大都講求新學積之既久勢必舉中國數千年之古學淡焉若忘擬請嗣後考試畢業學生須用經義命題庶俾多士知我 朝崇尚經術且足以保國粹而正人心云云已奉 旨交學部知道 記中俄議約歷次大概○中俄議約雖已會議數次然祇俄使與唐侍郎二人面商慶邸及那兩中堂均未列席(第一次)俄使欲議蒙古事件及庫倫鐵路事當經唐侍郎答以此次開議只限於滿洲問題他處事件不得提議等語(第二次)俄使又言及黑龍江吉林之森林權唐侍郎亦未允亦未議(第三次)唐侍郎提議黑龍江中國地域線俄國所佔之二百里地段應速退出俄使云二一七已與道員周冕訂約不能改唐侍郎云並無其事私人之言亦無條約性質況私約之有無尙待查明(第四第五兩次)又提議數事不盡詳因唐侍郎事赴津遂暫停會議至此大會議其秘密與中日會議時相同除第一次在外衙門開議外以後均在俄使館會議俄使於會議之際聞亦患病所患係喉痛尙無妨碍

各省新聞

法律館改訂章程○(江西)贛省法律館開辦已久徒有虛名胡撫擬實行整頓所有挑取入館肄業各員務須將新定刑律考求純熟俾資實用且預為將來裁汰刑幕地步三年畢業後分別給以差缺以示鼓勵聞章程已經改定大約日內即須出示招考 邑紳助學得獎知縣○(河南)西平縣紳趙國楹以學堂經費支絀倡捐房屋一所地二百餘畝計值一萬三千金邑

令稟報陳撫核准奏獎以知縣遇缺選用

創辦五省武學堂之計劃○湖北)鄂督張香帥擬辦北五省武普通大學堂已誌前報茲悉香帥近接各督撫覆啓均極力贊成此舉期收得人之効惟陝撫曹中丞以近日籌款維艱似容緩辦香帥因贊成者已居多數遂決定實行日來已與司道籌議佈設一切

湖州擬請勸育秋蠶○(浙江)郡城潘茂才口口肄業蠶學館深得其術上年歸育秋蠶大獲其利湖屬各鄉春夏兩蠶頻年歉薄民困未蘇茂才憫之因思勸諭民間廣育秋蠶以擴利源聞已具稟府署請頒示通諭俾衆周知 擬開警察官學堂○(清江)署提劉延帥因城外慈雲寺教練處所練警察學員將次畢業現又擬添教警察學員三十名俟成後委充巡官以資督率昨已出示招考人員河工地方三七分派河工人員須已經到工地方人員須留准差遣方能入役

鄂督擬派匠赴克虜伯廠留學○湖北)聞鄂督張香帥日前傳集漢陽兵工廠總辦馮觀察汝驤提調統制元洪面諭邇來各國軍械精益求精時事艱難非利器不足以資捍禦飭觀察等在該廠內遴選製造得法之匠目及嫻習此項之員司開單呈閱奏派赴德國克虜伯大機械廠留學並派該廠日本人(大山)、藤村屋郎)護送學生等前往以資造就觀察等力贊成不日當可施行云

江西省垣城門盡閉○江西)英領事到後大憲恐再有暴動防範甚嚴六城門俱盡閉僅留章江門出入過者皆受搜檢 商務擬設法止挂洋旗○湖北)漢口各藥洋商牌號挂洋旗者甚多於中國利權大有關係商務局總辦孫詢芻觀察擬設法勸止令其改挂龍旗各商以凡挂洋旗用費甚繁本非情願設官能實力保護自願改挂龍旗現正籌議辦法漢口籌餉局因近日收數大減亦亟欲有所挽救云

禁辦團練學堂○(四川)川省各州縣設立團練學堂不少前因青神縣團練學生與官府有衝突之事各大吏遂謂團練流弊甚大易長爭鬪之氣擬飭各屬一律停辦 津督禁止官場吸食鴉片○(江甯)日前有安徽貢生陳嘉言上書江督請禁官場吸食鴉片略謂鴉片最足損壞精神常隨舉行政之際全恃精力辦事何可沉迷鴉片誤事失時請先從官場戒起然後禁民吸食庶鴉片之毒將來

可望劃除云云昨聞江督已將此書發交仕學館飭令各員禁食鴉片云

更改營務處名目○(山東)葉觀察崇實昨奉撫院札開照得張道士珩業經調赴北洋其參謀營務處差使極為繁重查該道向充行營營務處及發審處各差頗資臂助應將張道所遺之差歸併辦理銷去參謀行營各名目改為總辦全省先鋒巡防行營各軍營務處以一事權所有參謀行營兩處關防名實不符亟應另行刊發關防以昭信守聞觀察已經遵照辦理矣

江西札飭派辦處調查鴉片○(江西)日前胡中丞札飭派辦處調查鴉片一事畧謂前准商部電稱鴉片一項宜調查全國每年洋藥實數由入口出產各省籌備款項內則諭種種植鴉粟地土出產多寡定為實數按市價收買外則與英公司訂約洋藥進口歸官購買各處賣煙館非官許不得買氏人非領牌不得吸更為之定年歲以窒其滋蔓調和藥粉而導使輕減並由各督撫責成州縣切實辦理年終視其管轄境內戒成數之多寡各屬城鎮村落責成紳董耆老隨時勸諭分別獎勵云云

英領事函請展租界界線○(安徽)蕪湖租界南至陶溝北至弋磯山東至潛濱塔西至江沿由南至北原有圩堤一道作為中條馬路東係圩田西係江灘現因自江沿抵中路南寬北狹以致路線未能直行實與修築江沿駁岸碼頭工程有碍日前關道童瑤甫觀察接駐蕪英領事孫德雅君函請將北首展寬當即札飭租界會丈局委員丈量釘立界石矣

湖北公債票即將舉辦○(湖北)鄂督張香帥擬舉辦公債票一事已誌前報聞現已定議越日創行分為兩萬股每股一百兩至其期限章程及一切辦法連日尚在籌議

鄂省擬鑄當五銅幣○(湖北)鄂督近接部咨銅元遵議減鑄并停去附設二廠(銀元局內一所江西會館址內一所)惟漢陽銅幣局(在兵工廠內)尚存銅坯十一二萬四千三百六十五磅張香帥擬用鑄當五銅幣免擱鉅款而收實利云

記漁業公司赴意賽會○(上海)奉直江浙閩粵齊七省漁業公司應赴意大利國賽會各品物茲由張殿撰派委羅別駕誠隨帶各物赴意並為該會會長茲定於二月初八日起程已由滬道函致意大利國駐滬領事保護矣永鮮同行公順順裕源裕豐號鴻昌源利等六家現具稟江浙漁業公司擬入漁會以便整頓行規茲經漁業公司允准轉稟

滬道給示保護云

創設清日伐木公司傳聞○(奉天)中日協約內載有清日合設伐木公司一條茲聞該公司已由日商在鴨綠江創建日廷助該商資本日銀一千萬元惟華商資本尚未悉其數目據外間傳述華商資本即在日商資本內分借其半以為開辦經費俟有成效後即按月抽還由奉天將軍或政府商部擔其責任云

鄂省自來水公司將次開辦○(湖北)鄂督張香帥因省城寬廣居民食水不便擬籌款開辦自來水公司一節迭誌前報茲悉香帥已將此項公事咨行商部前月二十七日商部電詢自來水公司是否開辦香帥當即電覆略謂自來水事略有頭緒即謀開辦德工程師已選聘定每月給一千二百元等語開辦之期不遠云

各國新聞

德皇決意撤退直省戍兵○(法國)倫敦電云德皇決意欲撤回現駐中國直隸省之戍兵其意深信中國自能保衛又謂日本能留心於中國之排外舉動而施以警告余甚傾慰云

英國派員查察英貨滯銷緣由○(英國)倫敦電云英外部大臣葛雷君謂駐華英使薩道義已派商務隨員前往牛莊查察英國運入滿洲貨物常被阻留之故譯字林西報

俄在滿洲開辦商店○(俄國)文匯西報得柏林電云俄國商部目下在滿洲各處開設店舖且得有俄國商行為助力英海軍省大臣之豫算增費○(英國)同日倫敦電云英國海軍省大臣洛伯係費謂此次海軍豫算表定與抵禦兩強之政策大相違背但此乃係前政府之責任余料千九百零六年與零七年所豫定三十三兆五億磅之費定必逐漸加增迨至一千九百零十年與千九百十一年必增至三十五兆五億磅矣

英相答復和平公斷會之語○(英國)路透電云前和平公斷會曾謂英政府將英日聯盟第七款之用意加以說明今英外部大臣葛雷君答復云貴會以為日本欲使英國加增海陸兩軍費用故有此語殊不知此等之事均屬不根之談也譯字林西報

德皇答謝致賀慶典之詞○(德國)德皇於舉行三十年結婚慶典答謝致賀諸人云吾深望不致再生戰事然即使戰事已來吾當照一八七零年之例設法減免陸軍服兵義務

調查

日本三十九年分藏入歳出總豫算表

恩賜及救助費	二一六五八六
傳染病預防費	二七四一一七
雇外國人諸給	七二〇〇
警察費連帶支辦金	一九三四二五三
消毒所及避病院保存費	一三九
倉庫土木費	二二五一一
地方費補給	二〇三七六五
皇城外郭地營修費補給	二六〇〇〇
機密事務費	一〇〇〇〇〇
囚人及刑事被告人押送臺灣費	七八五
港務費	一一八一四二
海港檢疫費	三九八四七
畜牛結核豫防費	一二九二九七
行政處分強制費	八五
地方費	共計七五九三九四九
小笠原島地方費	二〇二三九
冲繩縣地方費	二四三八八一
伊豆七島地方警察費	六二一〇

九

對馬地方警察費	一四三〇八
大島地方警察費	一二三二七
機密事務費	一一六〇
古社寺保存補助及補給費	共計二九八一五
內務省所管	共計一五〇〇〇
大藏省所管	合計九八一五〇四三
大藏本省	一五九三五〇
俸給及諸給	四〇二九八
廳費	三七九〇
修繕費	二
死傷恤賜費	一四六〇
賠償及訴訟費	二八七五六
旅費	六五五〇六
雜給及雜費	五七八
萬國關稅表刊行同盟費	二八四四
關稅願願審查委員會費	共計三〇二六二四
存金利息數目及給與料	共計三九二二一五三
恩賞諸祿	一五三三三〇二二
賞勳年金	二二二七七三八
文官恩給	

軍人恩給	一二三八一一九
學校職員恩給	一五四〇九四
冲繩縣諸祿	一三九九二六
外國人恩給	三一四五〇
特別年費	三〇〇
巡查及看守恩給	三一四五〇
內閣	一一四九九〇
俸給及諸給	九八五六三
廳費	三〇八〇八
修繕費	二五九八
死傷恤賜費	一七
旅費	九〇〇
雜費及雜費	三三三三七
褒賞費	一八二六六
機密事務費	五〇〇〇〇
樞密院	共計二二二四七九
俸給及諸給	一三六二三八
廳費	三一五四
修繕費	一一一〇

旅費
雜給及雜費

四七三
四一〇八
共計一四五〇八三

(未完)

宮門抄

二月十九日內務府 鑲藍旗值日無引 見 李家駒王清穆到京請 安 掌儀司奏二十六日祭 奉先殿恭王
行禮 內務府奏派派派 黃木神 派出文照 召見軍機 李家駒 王清穆

批摺摘由

戶部奏議覆直隸總督奏順直二賑要需請將現辦常賑等捐展限一年以資接濟奉 旨依議
吏部兵部都察院各奏陪祀單均奉 旨知道了 科道查齊覆奏事奉 旨知道了 刑部奏當月官陸增輝年滿咨
部註冊事奉 旨依議 又奏三個月奏 聞事件事奉 旨知道了
內務府奏二十日孝哲毅皇后忌辰致祭 奉先殿後殿載攬行禮事奉 旨知道了

奏稿

修訂法律大臣謹 奏為擇定法律學堂地址擬請將相連荒地撥入界內以備建築而廣造就恭摺仰祈 聖鑒事
竊臣等奏請設立法律學堂於本年七月初三日經學務大臣議准具奏奉 旨依議欽此竊維科舉既停陶育人材
以資任使胥於學堂是賴矧研習法律嚴行裁判尤為當物之急開辦之期奚能刻緩奉 命之後遵即遴擇地址大
率不失之狹隘即失之僻遠嗣查有宣武門內象房橋西蔡姓菜園頗屬相宜該園西首相連官荒一段計東西寬約二
十丈有零南北長約三十丈有零詢之鄰居民僉云係屬官地荒廢幾及百年臣等以該園毗接該地尚足敷建築之用
遂即購定惟該地是否官荒有無業主無憑檢査當即咨查步軍統領衙門去後旋據覆稱蔡姓菜園西牆外相連空地
一段北面係已廢鑲紅旗覺羅學地基其東北並西北及南面詢悉私產地基係屬何姓之產坍塌多年無從查悉等語

臣等查興辦學堂非基址宏敞廣建講堂學舍難期教育普及現在請地建學事所恒有擬請將該地撥入學堂界內庶規模不致狹小以公濟公於義既宜即使該私產日後果有實業主仍可由學堂照章給予官價以昭公允如蒙 俞允即由臣等行知步軍統領衙門並學務大臣備案以便尅日興工所有臣等擬請將荒地撥入學堂緣由謹恭摺具陳伏乞 皇太后 皇上聖鑒謹 奏光緒三十一年十月初七日奉 旨依議欽此

專件

考求東洋銀行大畧情形

(但旭旦觀察上督撫憲說帖)

敬稟者竊職道奉前升憲端札委赴日本學習法政兼考求銀行事宜等因過鄂時復蒙宮保憲台訓勉備至飭將財政事宜細加體察抵東以後遵於銀行一事先為考求查銀行為經國濟民之要彼邦人士卓有專科徒事調查恐不足以得其要領因懇欽使楊轉商法政大學特開銀行講習科聘法學博士山內止暉講授理論勸業銀行員法學士多賀義三郎講授實務三菱銀行員商業學士田村秀實講授簿記所有開辦情形前已稟明憲台在案職道聽講之餘嘗往各銀行參觀與其邦經濟大家添田壽一澁澤榮一等相過從藉資考証方冀悉心研究洞澈根源不料遽以丁憂回國德薄命蹇有負憲恩所幸數月以來且問且學於日本財政之綱要銀行之規模尚能窺其大略 朝廷注重理財戶部銀行既已設立江甯銀行將次舉辦湘省當粵漢之衝值鐵路敷設之日勢必設立銀行以為機關職道既有所見聞自應縷陳以備採擇但其業務繁多不勝枚舉謹撮大要為我憲台陳之查日本全國銀行統計二千三百八家資本五億二千六百七十二萬七千五百元共有四種一合名會社無限責任也一合資會社一株式合資會社皆半有無限責任半無限責任也一株式會社全有限責任也所謂有限無限者在破產時其賠償以股本之內外分不在設立時以股本之多寡分也日本各銀行無論官設民設大概皆株式會社即中央銀行亦然其供商業之資本者則以動產為抵押當動產者國債証券公債証券社債証券株券是也其供農工業之資本者則以不動產為抵押當不動產者土地房屋礦山等是也業務各異故性質不同約而言之可分二大派一中央銀行一地方銀行中央銀行全國只有一所即東京之日本銀行也以統一為方針為全國銀行之母資本三千萬元有發行紙幣之特權與政府有密切之關係所負之義務甚重凡

政府借銀行款項額在二千三百萬元以內則無利息又如橫濱正金銀行於外國匯兌資本有欠缺時中央銀行必以低利貸之額在二千萬元以內其利息不過二釐又國庫之出納銀行代理者不取手数料蓋以其紙幣之利大故所負之義務重也至於政府之監督則大藏大臣特設監理官專調查其所營之業務有違背條例者則禁之株主必本國之上等人轉售株券於人必經大藏大臣之認可蓋恐其售於外國人因投重資以握總會議決之權而不利於其國也銀行之中有庫發行紙幣二億餘則中有藏金一億九千餘以作準備而昭信用平時則以再割引供地方銀行之通融恐惶時則出巨資以維持市面故自有中央銀行商業之機關始靈通而財政於是右樞紐矣此日本銀行之大略也所謂中央銀行者如此在一地方內而為農工商業之機關者為地方銀行不能發行紙幣而專營預金割引貸付為替之業預金者人以金存於銀行而生息者也割引者以期票與銀行照日扣息而先得現金也貸付者借金於人為替者匯兌也凡此者凡地方銀行之舉而中央銀行不為也但其中有所謂普通銀行者專注意於商業而為短期之貸付有所謂特別銀行者專注意於農工商兩業而為長期之貸付其位置雖居地方之內固儼然為全國農工業之總機關故亦以特別名茲請先言普通銀行其資本無定額但遵政府之法律即可以設立設立之後須將其財產及方針登記於裁判所凡預金割引貸付為替皆為之預金有四取用有一定之時者為定期預金時存時取者為當座預金婦孺子所存亦時存時取者為特別當座預金一名別口或小口當座預金先知會而後取用者為通知預金割引有二扣息而與現金者為普通 引期票不足信而加以抵押當品者曰保證割引貸付有四以動產作抵押者為擔保貸付無須抵押以人作保者為保證 付無須抵押當無須保證專信其人者為信用貸付預金於銀行而所用之數忽過於所存之數而仍須抵當者為當座貸越為替有四 兌者戶送金為替電匯者為電信為替甲地之甲購物於乙地之乙乙既以物由輪船或火車運交於甲乃出期票至銀行割引銀行即托其地之支店取金於甲者為荷為替先在甲地用金後在乙地取還者為逆為替是皆與中國專號錢店同所不同者中國航路鐵道尚未交通故荷為替甚少至貸付必須抵當預金五元以特別銀行其一則日本勸業銀行專供農業之資本工次之自五年以至五十年之長期貸付而用年賦償還法年賦償還者還本連利十年平均而償還也凡全國之開墾植林排水灌溉築堤屬於農業而須與大工者皆仰給焉其資本一千萬元株主無本國外國之限制其貸付多以田地作抵押當仍由本人耕種長年利息不得過七釐凡普通預金利息亦

有至七釐之時出入僅可相抵則銀行獲利故此等銀行不收預金政府特許其發行債券每張額數三十元金額可發過資本金四分之一之十倍長年給息四釐五毫每年分二次償還以四十年償盡平均計算每次應還若干張則以籤捐開彩法行之中頭彩者可以二十元得千元以次遞減其最後者亦能得本及利蓋於四釐五毫之外又以五毫為割增金以引動人民希望之心以樂購此債券也又有各地方之農工銀行府縣各有一所皆為勸業所統屬其資本定額二十萬以上以供給小農工家為目的利息較勸業稍高為三十年以內之貸付至多不得過萬元亦能發行債券額數不得過資本四分之一之五倍惟無利增金耳取之於民仍以供民之用故民無怨言而政府遂藉以振興農業而培國家之根本此日本勸業銀行及農工銀行之大畧其一則日本興業銀行專供工業之資金農次之而又兼及於外國資本亦千萬元其貸付則以動產及遵法律所設之財團如工廠公司等之不動產作抵當又有信託之業務可以代人募債代人收租代人保護重要之物品亦能發行債券過資本十倍償還法則增金皆與勸業同自有此銀行國之工業始漸發達而又膨脹於外國朝鮮之國庫即該銀行所經理大冶鐵礦抵當三百萬亦該銀行所為也此日本興業銀行之大畧也其一則貯蓄銀行專以獎勵國民貯蓄心各地方皆有一所資本額定三萬元以上非本地人不得為株主政府以其金出自貧民利息頗重年一分二釐半年一付其未支取者下半年仍作本生息並須預購國債證券存於政府如其破產則代為償還管理人之責任甚重交卸後亦須擔責任二年今該銀行統計預金四千餘萬元合之日本人數每人不過一元而其影響於農工業者甚大集中下人不急之資以為社會有益之用此貯蓄銀行之大畧也他如橫濱之正金銀行則以外國貿易為目的與普通銀行同點者最多北海道之拓植銀行則同於農工銀行台灣銀行則合中央地方之組織而為之蓋其社會情形不同故組織不得不稍異是又特別之特別者所謂地方銀行者類如此以上所舉日本銀行畧盡如斯其目的雖各異而其為金融界之機關以補助國家財政之運動則一也夫日本以區區三島所以雄於地球而與歐美并駕者固由兵力之強而其所以能強兵者則由理財之善當明治之初亦曾設商法司通商司以理財政卒以無效至於裁撤既乃設造幣局於大阪派伊藤侯於美洲一經調查旋即更改未及十年大小銀行遍於全國礦產鐵道因以開築甲午之役日俄之戰輸糧餉餉運用無窮卒成大功使其國度列於頭等謂非銀行何克臻此中國地大物博甲於環球財力之富左右世界恢恢有餘乃國幣空虛動輒支絀貸於英貨於美貨於比甚至貸於日本日本之貧誰不知之今以極富貸於極貧良由銀行未興機關不靈人民財產半藏於家否則存之外國銀行藏之於家不

過以國家有用之財置之無用之地存之外國銀行則外人反得以利用其巨款而吸收我之鐵路礦山我欲敷設鐵路開採礦山反欲借資於外人太阿倒持利源外溢莫此為甚且銀行不興紙幣斷無規則此省紙幣不能行之彼省而匯豐正金之紙幣遂得由通商口岸而行諸內地我至彼國必須挾金以往彼來我國只須携紙而來門戶日開交通日繁各國競言殖民人亦何憚而不來吾土哉故今日銀行之設誠為莫急之要務矣乃者戶部銀行既已設立通商大埠皆有支店將來紙幣必能通行足資抵制惟各省路礦必由本省籌辦斷不能戶部撥款此時若不預籌將來何以支應日本添田壽一有言曰中國幅員太廣鐵路又未交通若僅恃一中央銀行以統制各省萬難取指臂之助必也各省設一中央銀行以屬於京師之中央銀行然後於通商口岸設立外國貿易銀行腹地各省遍設農工及貯蓄銀行庶可以供策應而臻完備其言誠然但中國內地情形有非外人所能盡知者竊以為各省固宜設立中央銀行其目的業務則當各隨其所宜如湘省當鐵路未成之時商業難望發達設立銀行當採日本勸業興業之制以路礦為目的而兼營農工俟鐵路成後再行擴充職道生長湖省休戚相關值此需財孔亟之時斷不敢自安緘默惟要旨繁多筆難罄述所有各銀行章程須覓通曉東文者方能譯出倘蒙垂詢再當續稟職道但且謹呈

文苑

步吳思信閣翠軒詩

慶博如來稿

驚日尋思夢不通欲將心事訴東風斜欹角枕空橫翠保護繡花怯落紅五夜傷神情脈脈一天涼意雨濛濛從知恨海填難盡精衛年來怨力窮

蓬山遙隔恨劉郎綺筆書空費寫將香味氤氳猜荳蔻被池和暖憶鴛鴦廿三風信春歸酒十二珠闌夜有霜無限相思言不得江南風月慢評章

意追神憶總情魔空賦長相思奈何苦說蟻能籠翡翠那堪人似隔大河倒抽蕉葉心同苦不見桃花怨已多悵望秦雲一灑淚不知何處託微波

犀通惟有夢松惺十里垂楊舊日經意馬情懷誰可釋神龜消息總無靈紅樓月冷寒如水銀漢雲多歛小星一弄瑤琴

聲欲斷耳鴻淒絕不堪聽

詠劉儼儼倍可憐桃花人面總前緣截來巫峽江三折敲斷揚州月半邊不信黃河狐竟渡誰知大海鵲難填琵琶一曲銷魂處淚濕潯陽白樂天

戶部銀行代收國民捐清單

奉宸苑柳村開官潘棟 一兩八錢八分 永呈祥 四兩六錢九分 商人高永平 九錢四分 候補二院卿內務府員外郎誠璋 一百元 誠璋母汪氏 十元 誠璋妻烏雅氏 十元 誠璋子杏年松年柏年耆年媳高佳氏 二十元 誠璋叔候補主事繼善 四元 繼善妻莫勒哲勒氏 四元 女僕楊氏 一元 萬古齋古玩局賈國亮 二十元 蕭仁軒 三兩 閻澤氏一兩 無用女子 五元 造辦處主事繼綱 四元 內務府候補員外郎繼緒 四元 戶部主事方鐸 九兩三錢九分 戶部主事李漢光 九兩三錢九分 義德成 四兩七錢 外務部右參議朱寶全 五百兩 前西甯辦事大臣潤普通武 三元 裕興糧店 九錢四分 乾元當 四兩七錢 萬思敬 九錢四分 萬興居 四兩七錢 萬順糧店 四兩七錢 吟永祥 九錢二分 新順永糧店 四兩七錢 萬益恒 四兩七錢 劉文奎 九錢四分 祝壽椿 一兩八錢八分 呂常山 一兩八錢八分 匯源茶店 四兩六錢 梁翰文 九錢四分 裕盛祥 四兩七錢 李鴻達 九錢四分 雷廷室 一兩八錢四分 陶文治 九錢四分 和碩豫親王 一百元 和碩豫誠親王姜納拉氏 五十元 豫王府頭等護衛定祿 十元 春霞 六元 斌榮 四元 二等護衛日壽 四元 首領太監劉福壽 十元 回事太監玉得福 二元 王四喜 二元 太監楊喜 二元 劉得順 一元 馮媽媽 一元 唐媽媽 一元 關媽媽 一元 馬媽媽 一元 豫王府侍女八名 八元 鍾海母楊媽媽 一元 護軍校錫鈞母熊氏 二元 錫鈞 四元 錫鈞妻及子 五元 鑲白旗滿洲世管佐領英華及妻富察氏率子三女二英 十元 白雲觀住持道人高仁啊 一百兩 白雲觀都管趙秋水 龍元四元 德盛號 龍元一元 苗德裕 九錢四分 祝福緒 九錢四分 南太源 一兩八錢八分 昇平寫字人廷桂 九錢四分 陳繼元 九錢四分 內務府郎中彬格 五十元 彬格子善增 十元 都察院經歷樊守忠 十元 葛毓芝 銅元二百七十三枚 御前大臣科爾沁輔國公博迪蘇 英元八百十元 龍元壹百九十元 高增融 當十銅元二百七十三枚